

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog postupka nabavke putem direktnog sporazuma, zaključen je:

U G O V O R

Između:

1. Bosna i Hercegovina, Vijeće ministara Bosne i Hercegovine, Direkcija za evropske integracije, Đoke Mazalića broj 5, koju zastupa direktor Edin Dilberović, (u daljem tekstu: Kupac)

i

2. R&S d.o.o. Sarajevo, ulica Igmansak bb, kojeg zastupa direktor Kemal Selmanagić (u daljem tekstu: Prodavac).

Član 1.

1) Predmet ovog Ugovora je kupoprodaja smart watch (tri komada), bluetooth slušalica (tri komada) i bluetooth zvučnika (dva komada), za potrebe Direkcije za evropske integracije po osnovu provedenog direktnog sporazuma, po ukupnoj cijeni ponude u iznosu od 1.976,00 KM bez PDV-a.

2) Ponuđač je u svojoj ponudi ponudio model sata Samsung R500 Galaxy Watch Active tri komada, model Sony bežične slušalice CH710 tri komada i Philips TAS5505 bežični zvučnik XB10 dva komada, koji svojim tehničkim karakteristikama u potpunosti odgovora tehničkoj specifikaciji iz Obrasca za cijenu ponude.

Član 2.

1) Prodavac se obavezuje da će isporuku robe izvršiti u skladu sa zahtjevom Ugovornog organa i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.

2) Kupac je dužan da dostavi pisano obavještenje o svakom navodnom propustu Prodavca po ovome Ugovoru.

3) Kupac će utvrditi razuman rok za ispravku propusta Prodavca u smislu izvršene nabavke.

Član 3.

1) Prodavac se obavezuje dostaviti robu Kupcu, propisanog kvaliteta, u traženim količinama i u dogovoreno vrijeme.

2) Prodavac se obavezuje na rok isporuke opreme najkasnije do 2 (dva) dana od momenta narudžbe od strane Kupca.

3) Isporuka robe je Fco. Kupac, Direkcija za evropske integracije, Đoke Mazalića broj 5, Sarajevo.

4) Rok plaćanja Prodavcu je do 15 dana od dana dostave fakture Kupcu za izvršenu isporuku, ukoliko isporučena roba bude zadovoljila svojom kvalitetom.

5) Prodavac se obavezuje dati garanciju proizvođača za isporučenu robu 24 mjeseci.

Član 4.

1) Prodavac se obavezuje da će sva roba koju će isporučiti Kupcu biti označena i deklarirana u skladu sa važećim Zakonom o standardizaciji, Zakonom o vanjsko - trgovinskom poslovanju, te drugim važećim propisima.

2) Ukoliko isporučena roba ne bude zadovoljavala svojim kvalitetom, Prodavac je dužan postupiti po reklamaciji odmah po dobivanju obavijesti o neispravnosti, nakon čega će Kupac pristupiti plaćanju isporučene robe.

Član 5.

- 1) U slučaju da jedna ugovorna strana ne bi mogla djelimično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu stranu.
- 2) Viša sila su svi uzroci i događaji na koje ugovorne stranke ne mogu uticati, te nisu ih mogle predvidjeti niti spriječiti.
- 3) Ako viša sila traje duže vremena, pa je time otežano ili onemogućeno ispunjavanje ugovornih obaveza duže od 30 dana, svaka ugovorna strana može raskinuti Ugovor. Strana koja snosi posljedice više sile, dužna je na zahtjev druge strane dati dokaz o tim posljedicama.

Član 6.

Prodavcu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

Član 7.

- 1) Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Suda Bosne i Hercegovine.
- 2) Na sva ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 8.

- 1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 31.12.2021. godine.
- 2) Ovaj Ugovor stupa na snagu danom potpisivanja obje ugovorne strane.

Član 9.

Ovaj Ugovor je sačinjen u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka, za svoje potrebe.

Prodavac
Direktor
Kemal Selmanagić

Broj: 506/2021
Datum, 25.08.2021



Kupac
Direktor
Edin Dilberović

Broj:
Datum,



05-JM-16-4-7B-34-8/21
25.08.2021. flocimf.